

集部

禮之道仁義而已矣夫仁主于親親長幼之際而義主 欽定四庫全書 知貴貴而親親之仁亡則嚴而不和是故聖人為禮以 于貴貴君臣之間知親親而貴貴之義廢則為而不嚴 てっこう っ 論 柯山集卷三十三 禮 論 2.1.5 柯山県 宋 張耒 撰

故 金に人口をノニー 舉旅于實凡所賜爵則自實以降再拜而後受夫犀門 中庭君揖降一等而已鄉 行馬是故有鄉飲酒以見其仁而又制強禮以見其義 兼統之使之兩立而兼善並行而互用而後仁義之道 于西南而主人親酬之初不敢酬實示尊也至于燕主 之外已遠矣而加拜馬賓至中庭已近矣而降止于 獨升立席上西面特立而公卿以嫌而不得為實君 鄉飲之禮主人拜迎實于庠門之外至于燕則實入 +. 飲之禮主人尊賓故介猶 坐

而大夫為之賓故將辨尊甲之分則使民尊尊而知長 方具率衆以明長幼之序則使民尚齒而知貴賤有所 盐 益鄉飲之禮所以正長幼之序故賓者衆之所尊而以 君舉旅賜爵而實拜而後受則主人之禮已重是何也 等主人之于賓至于不敢酬而酬介則主人之禮已甲 不行故一以盡仁而燕禮所以明君臣之分君為主人 命其衆者也而主人者鄉之大夫與夫黨正之屬故 之齒有所不序故一以盡義故禮者即文仁義而 7

歌定四庫 全書 所尊而賢有徳者其于衆也有教誨之義馬故五十者 者眾之所尊而賢有徳者也夫將明長幼之道則眾之 之禮主人坐于東南而坐實于西北主人處仁而實處 者也故禮也仁義也吾未見亡一而可行也夫鄉飲酒 禮不足以取中馬故鄉飲燕禮節文仁義而裁之于中 之于仁義其行之或過而衆人之于仁義往往不及非 之者也夫仁義之道本于心待禮而後見于外而君子 何也益黨正屬民飲酒于序則其主人之所與為賓

為禮其升降之數俯仰之節為已詳矣然至于宗廟之 長有教誨之義則其道主嚴而以齊农出令為主夫齊 中習之安而用之便者何也為其有漸也故魯人將有 北也故父道主義為其尊也古者諸侯之射必先行然 衆出令而其道主教者義之事也此實之所以坐于西 事于上帝必先有事于類宫晉人將有事子河必先有 立侍以聽政役則幼之于長有奉令承教之義也夫惟 柳大夫士之射必先行鄉飲酒之禮何也夫先王之

時也夫會時者謹朝戴修會盟勤燕享不敢失時者也 敏定四庫全書 人 在于一身而鄉飲之禮主于明長幼而未及夫大者馬 尊之之序也卿大夫以采賴為節而主于循法度士以 故其將射也必先習無禮以明尊甲之序而會時者明 采蘩為卽而主于不失職夫循法度不失職則其道近 其大必習其小将為其難必為其易故其心佚而不亂 事于惡池齊人將有事于泰山必先有事于配林將重 其體安而不愕矣諸侯之射以貍首為節貍首者樂會

喜求其說以為稀者祭之一名而選 五之事則有司存 音者孔子以為知稀之說則其于治天下也如指掌 先燕禮而卿大夫士所以先鄉飲數 臣道衆故其射也有鄉人長幼之序馬此其諸侯所以 故必先習鄉飲者其道當然也諸侯之道君道也君道 而不能通之于治國蓋當思之以為天下之所以不治 くこうこ 故其射也主于正尊甲而已卿大夫士之道臣道也 禮論二 -柯山集

金定四元之一 政則治天下之能事畢矣此君子所以重稀之説而又 之際貴者親其事而行之于自賤者承其風而被之于 序蓋已並立而修飭矣上自王公大人而下 達于里問 者何也母乃起于貴賤之不明敗親爱之不篤數器用 之于先君也則夫向之尊早親愛器用衣服賢不肖之 而其國欲治者未之有也今夫郊社之于上帝也宗廟 之無制數衣服之無別數賢不肖之失序數五者不至 以為明乎郊社之禮稀當之義則治國其如示諸掌者 卷三十三

|尊天而親地夫宗廟之享水陸之産首可薦者莫不成 天下其禮無所降矣而于享帝也有君臣之義馬故曰 隆于稀當故舉郊社稀當則小者兼之矣夫天子之干 也夫百神之祀自郊丘而達于七祀均為禮也而莫重 以載大表以服此疑于畧矣此其說何也夫郊之享命 在而為之宫室之美車服之盛而至于享帝則三獻爛 于郊社宗廟之祭自禘給而達于時薦均為祭也而莫 獻熟因地以為之丘陶絕以象其性玄酒以事大輅 2 一一集

事尊之道以簡而親親之禮以豊故享帝于郊而貴賤 嫌于潰此宗廟之祭所以雖降于上帝反疑于重 |廟之祭則子之于父也孫之于祖也夫事親之道其見 尊而不敢褻簡而不敢演此字帝之所以疑于略 之位別矣雖然別貴贱者非獨如此而已也宗廟之中 也無時其獻也無即志于和而無事于簡主于悦而 故合禮然後獻俯仰進退于朝廷之間者莫非禮也故 臣之于君非禮不敢見故時至然後會非法不敢責也 卷三十三 一數益 敷宗 不

澤夫簽祭之末也而尊甲之别如此此貴賤之所以别 容而其祭之也與尸酬郎而求象其平日飲食之事此 嫌于甲蓋其始也齊戒謹潔而庶幾見其聲音笑語之 役也而從於夫人冕而總干率其厚臣以樂皇尸而不 死如事生事亡如事存割姓賤事也行之于君執益末 也大追遠之禮至于上廟而祭祀之典行于四時以事 餘大夫錢之大夫之餘士錢之而後煩庖程關無不沾 以爵為位而宗人受事以官尸之餘君與柳俊之仰之 2)7.2 /2.7 柯山集

法不敢行于廟此衣服之别也古者天子將祭則必射 朝自天子至于士一衣之不修不敢用于祭一器之 大妻以祀上帝龍來以祀宗廟元端以朝日皮弁以視 先代之樂陳于廷而四夷之樂陳于門此器用之别也 之用玉瓚大主也為之用玉豆也歌者在上舞者在下 親愛之所由為也事帝之器不陳于廟事死之禮不行 田擇士其容體中于禮其節中于樂而中多者乃得預 于郊尊之用樣象也異之用山也鬱尊之用黄目也难

5日屋人

卷三十三

故射中多之預于祭也非射也所以辨德也此賢不肖 先形也必有待以見于外射者君子之所見其德者也 不治者未之有也道載于禮而禮藏于器不知禮不足 而明辨乎器達乎禮通乎道而不通乎治國者吾未之 與言道不知器不足與言禮禮者自器而辨道者先禮 之别也貴賤明親愛厚器用設衣服修賢不尚别而國 于祭而否者不預馬夫射者君子之所以觀德也夫德 也故古之君佩玉束帶趣朔旋揖于宗廟之中而盡 ï 阿山県 æ

五定四库全書 順陽義也當私祭也而秋者萬物之既成而于時則陰 順陽之氣者稀而後頌馬故曰古者于稀也發爵賜 物之盛也日陰陽之消長也夫稀夏祭也而夏者萬物 先王之制祭祀自郊丘以建夫七祀莫非祭也而九重 之始蕃而于時則陽用事之時也故先王之政凡所以 于稀當其說何也益其道有三馬口政事之節也日品 天下之能事者如是而已矣 禮論三 卷三十三 服

というい 陽 秩東作之時也夫物始生則陽氣未盛而品 預馬何也蓋春者物之始生勾者始奮前者始達而平 氣 稀當者謹陰陽之節而不敢違候時辨物以别天地之 出 之始也故政之所以順陰者當而後行馬故曰于當 民方超于東作之際則超功造事而未可以聽政役故 者如此所以重 田邑發秋政順陰義也益先王之政一本于陰陽而 之政待夏而後行益夏者物盛而厥民因之時也 Z12..... 1 敏然則春之初也冬之然也而政不 柯山集 物 未 備西

金り 已窮則 而于夏也始盛成于秋而窮于冬既盛則備于初生 氖 财 益 謹之 者方秋而 用 婦子以入室備寒之時也夫物生已窮則 物之生窮實者已級而成者既收塞向瑾户而民 古者當祭未行則未發秋政未發政則 而 E LE / Multiple 闕于始成故稀也當也萬物盛多之際也萬 女口 民 既息則 此此所謂政事之即也夫物之于春也 行之矣而 非 所 秋者萬 ĸ 以 聽政役故凡政之 物 始成而厥民夷之時 所 民勿 非 以順 鮓 敢 始 ソス 而 生 艾 備 率 物 陰

備 組 也祭之儉也非先王之欲也夫玉費而大圭玉豆而雕 以為重也夫先王之于祭也誠而已何貴于品物之盛 盛多則品物備故稀當之祭備物之享也此稀當之所 給則品物之重也久矣蓋物者誠之表誠者物之主 給也為夫物之未成而禮不備故也禮不備則不敢用 齊明以臨之盛服以行之水陸之品首可薦者無不 在此先王之所以事宗廟也故天子之特朽也而廢 而誠不至者有之矣未有誠至而物不備者也夫祀 1.11. 柯山侠 物

陽方作而未成烝之于冬也則陰已窮而既盛故稀當 陽之消長也有是三者則先王之所以重慎而不敢易 之祭陽之成也而陰之微也是以先王重之此所謂 則陽之成當秋也于時則陰未至于盛初之于春也則 先王之于陰陽也陽慶其成而陰惡其盛稀夏也于時 上帝之簡也非先王之圖也以為無物可稱而不敢近 之于常祭也不亦宜乎夫天子袷稀拾當拾烝諸侯當 于東是亦誠之盡于已矣所謂烝當者品物之盛也大 陰

更 沒定四事全書 ~ 者近公天子制法者也故先所私而後法則無嫌也諸 祭也天子先給而後時祭諸便先時祭而後給喪軍之 古之養世子而教之學與夫凡學于國之學何其有序 侯從上者也故先定法而後行其私此所謂君臣之道 祭無常時而四時之祭有定法無常時者近私有定制 袷烝袷何也夫袷喪畢之祭也而礿稀烝當者四時之 禮論四 柯山集

也其事止于讀書而已所謂成均五帝學也其事則郊 之學也其事止于學禮而已所謂上庠者有虞氏之學 日價實八日釋奠于先老九日養老幼所謂替宗者商 者其别有四日東序也曰替宗也曰上庠也曰成均也 禮有常法四者立而後學之道備盖所謂其學有常位 所謂東序者夏后氏之學而其事有九一日學干戈二 而不亂也益其學有常位其習有常時其教有常職其 日學羽衛三日養老四日合語五日授數六日論說七

签三十三

最近故習禮于瞽宗益成均者意有虞氏之前也夫時 虞故讀書于上库勤事以正容近道也而商人于周為 代之學其事為聚數夫書者觀言以取訓而習禮者勤 事以正容夫觀言以取訓遠道也而三代之學莫遠于 仁東序在王宫之左而其位則位之方也此其比于二 養老之事也夫樂舞養老之事聖人之所貴而其道主 事獨眾于有虞商人之學何也益凡學于東序者樂舞 人取爵于上尊而已夫備三代之學而夏后氏之學其

とこのことと

柯山集

七日 師丞赞之至于羽衛則其主之無官其對之無助何也 **骨赞之而大樂正授數馬至于學戈也篇師主之而篇** 畧而事甲乎此所謂其學有常位也其習有常時者其 別有九一日十二日戈三日羽四日為五日南六日誦 酒于成均然後始得酌于上尊此不亦時遠而制畧制 矣故不得與于上庠暫宗東序之事然獨至于天子飲 紅八日禮九日書所謂學干者小樂正主之而大

金に人しいとんとかし

速則制畧制畧則事甲益所謂郊人者既遠之而在郊

卷三十三

書是也春夏者物盛而形顯之時也而干戈之舞形之 有通而習之者羽為是也有别而習之者秋學禮冬讀 戈是也有别而習之者春誦夏終是也施于秋冬者四 戈之官固已能吹奮則知學篇之官是亦篇師篇師丞 盡舞羽近于學干則知舞羽之官亦樂正與大局而學 1/2/10 mm /11/2 而不厭也凡學之時施于春夏者四有通而習之者干 有安居和味宜服利用備器陳之于學者學之所知博 而已矣夫南夷之樂也而陳于學何也益四夷之俗皆 柯山集

使之讀書馬安于自合乎時中子義習馬而不困久馬 寒而大苦故于秋冬者人入室以居而無事之時也故 為事也而習禮者俯仰折旋勞于外而後能習于冬則 吹箭者羽聲而已故于秋冬習之秋君禮而冬讀書均 者萬物數寫形斂而體伏之時也羽舞者主于振 **資于器人聲者先王之所貴故先誦而器次之馬秋冬** 盛也故春夏習之誦與紋均為聲也而誦者人聲而紋 金月四屋台 而不堕者用此道也盖所謂其習有常時者此也其教 卷三十三 作而

以率之言以告之故日審衛之師也則教之以事而衛 已勞矣其德有小大故官有勞供以心治者其官逸而 以言喻故曰審父子君臣之道以示之而已少傅則教 書者口篇師曰篇師丞所謂太傅少傅與夫師與保四 司成曰大樂正日小樂正日大胥日胥日執禮者日典 有常職者其官有十三曰太傅曰少傅曰保曰師曰大 德保也則慎其身以輔翼之而歸諸道則二者其職 以道德為職者也而太傅之職無所繁不以教奉不 阿山 集

之事而為佐者也所謂胥者大胥之佐也故鼓南蓋其 也所謂大胥者小樂正學干則大胥對之蓋輔小樂 之于東序則小樂正者授數于大樂正而喻諸其下者 则 者也所謂小樂正者凡祭與養老乞言合語之禮而 說命乞言皆大樂正授數于大司成之教而喻諸 在東序又曰凡侍坐于大司成者遠近問三席可以問 以事詔者其任勞此其理然也至所謂大司成者論 定匹库全 書 大司成者主學之教者也所謂大樂正者舞干成 十 三 其下 説 語 詔 JE.

欠之日車一曲 四也釋菜五也大合樂六也養老七也合語八也論說 先師二也天子視學而祭先師三也釋真先老于東序 十所謂立學而釋奠于先師一也春夏秋冬而釋奠于 上者也此治學之常職也所謂其禮有常法者其别有 其丞其職雖不備見然及其事則皆供職效役以承其 職已甲矣主節夷樂而已所謂執禮者典書者篇師與 忘也天子視學而親於示尊也釋真于先老示已所有 九也乞言十也立學而奠示有祖也時而祭之示不敢 柯山集 酉

事也大合樂而後養老始立學既具器而後釋菜告成 柯山集卷三十三 不敢專也習而後行禮也小樂正合語為未足故大 ンス 此者先王教學之道也 論說為未足故乞言于老者此所謂其 卷三十三


詳校官庶吉古在汪彦博 侍讀臣孫球覆勘

總校官 進 士 校對官學 録 磨録監 生 臣嚴孫治

臣常循

臣程嘉謨

欽定四庫 柯山集卷三十四至



人惟 尊之惟其能富故天下之貧者宗之使之脱然舍去斯 心者何也夫天下之人不可使求為利也夫使天下之 廉遜教其民務為安貧樂賤之事而深抑好爭務勝之 富貴之知而見其已之尊嚴然其率天下也何其退約 費者人君操之以用其下者也雖然天下之利惟富貴 而後可為則先王之治宜其隆勢利重權位使其民惟 二者則天下之人誰肯以區區之名而役之哉故富與 利之為求則大者篡小者叛惟其得之而已矣鳴 とき 後世莫及而改其教化風俗之美詩書之所載後世亦 義之人即則吾捐國而與之有不受者矣三代之歷年 之所甚貪也然無名而不敢當嗚呼使天下之人皆 知公卿之爵人之所欲也然三遜而後受萬鍾之禄人 是廉耻冲退之道使之輕禄位而賤權勢而惟仁義之 如是則吾之立於天下之上不亦甚殆哉是故先王思 所以長享富貴之利求其安而無亂服而無爭是故為 呼使人皆欲得其上之所樂則將日仇其上而 奪之夫

欠己日二八十

柯山集

賤 貪賤而惡之而日思其所以去之之術夫惟人惡其貧 尚功而賤德貴才而廢道與勝而羞退進位而卑齒故 天下而使其民汲汲然惟利之知而幸其區區之功 無有繼之者然則其效可知也余當悲夫自聖人之亡 而自安者未始不亡其國而自危也昔者秦之俗盖若 天下 後世之治天下者不明乎此也開功名權利之門以 而求去之而天下之亂起矣故後世之所謂利其國 始嚣然皆有樂富好貴之心而不安其分及顏 其 誘 利

会写正是人言

卷三十四

能 放也如此養虎之內不敢全而生委之懼其决裂以 之為求故秦之民皆忘其上而利其身功成戰克而後 ケスラシ 其怒而况持爭具而授之歟夫先王之道其始若鈍而 養耳目之所習有以使之而無足怪也嗚呼爭之不可 天下之人移其勝敬之志為仇君之心蓋其平日之所 成 能利其始若迂而效最切老子曰非以其無私 矣方其疾戰不顧以取諸侯也使其人惟攻戰爭奪 其私夫成其私而惟私之求則天下去之夫惟 阿山小 卵 故 動

能得其所欲者乎蓋梁惠王問孟子以利而孟子對以 呼孟子可謂知利之實矣 仁義者若非所以自利也而其效也使人不敢遺而後 其親未有義而後其君者利非危國而其極至於國危 仁義其説以為上下交征利而國危又日未有仁而遺 以得天下之情者天下之所歸也天下之所歸而有 則聖人之所以安其身者豈匹夫匹婦之淺道欺鳴 法 制論 不

**垂好四庫全書** 

卷三十四

事將有格而不得成者夫其勢不可以 者永之或知也今天世之敢戰者其為行列什伍亦 馬則物有受其樊者矣天下之法常壞於此而世之感 區區之聰明而先為之經畫於此而使之一從於我則 下之事繁細項屑其情狀變故不可以一致以吾一 其一切先立於我是故法立而意行意行而利至蓋天 而其節目委曲所以施於事者聽夫人之自為而不必 昔者聖人之立法告天下以其意而已故常立其大防 有成而必求行

とっこりも

- A-1-17

1

柯山集

**©** 

過 一大 口地 台雪 所 之 必 猶 天 败 使 如 智 數 **賾隱然其制法也亦何以異於此** 下使無違吾意 在也嗚呼三代之聖人其 而 是而 者而已彼豈不欲盡歟勢有所不可也 無 己 百出而 矣善教人者曉之以其道而不示以其事故 顄 於敵者之何 後 不可 勝 如是而後敗其委曲瑣屑 測 則其委曲瑣屑 而 如而 我安能委曲 聰明春 惟我之為聽夫如是 雖 欲均天下之田 1, 而 智足以深 預 不盡而吾之意 測之 切 何 先為 卵 则 見天下 則 敵 必 而 之 告 必 曰 人

卷三十四

欠己日五 公司 山大川汙池數澤之地常居十五則亦安能較然如畫 地高甲之不齊廣於之不一水泉武的之差殊與夫名 百 為之井田欲分天下之地而為之諸侯九夫為井人得 九服之遠近夫分田建國之法如是而已矣夫天下之 方五百里而男之地方百里使之大小有序而又列為 而後又為溝洫之制自一夫而積之至於萬夫公之地 畝而耕之使夫大之不得以無小殭之不得以并 押之上哉被聖人之法不為之纖委頭屑以盡之 柯山集 弱

会厅世屋だ言 中初若莫可依據而吾之法卒立乎天下此先王之所 者也不善為法者則不然窮折天下之理於一身之聰 以有所動作而天下樂之雖天下之大事而為之無難 亦莫不如意而天下安享其利人人皆得措手足於其 不亂是以天子恭已優游於上而所以均齊天下之理 之變因規而為之規因矩而為之矩使之各稱其宜而 而 而特設其大端而已何也蓋聖人之告天下者特其意 已當是時公御九當其職者皆得出其智以盡天下

故善用兵者有違法無違意不善用者有違意無違法 能用大而後能治天下而用大之術為最難夫惟有所 法可違也意不可違也夫天下之情常樂於有所為而 於不詳而天下卒不能行而不知其患乃出於好詳是 吾之所欲則亦足矣何必區區使之從我而後可也 困 明恃區區目前之智而斷萬里未來之勢故其法不惠 於齟齬而不得放夫使人人足以自致而其終不失 用大論

次足り事一時一

柯山集

夫立法以治天下者而吾之法果足以盡天下之理包 雖 要之不可盡得嗚呼使吾之為屢足以半國之人足矣 人人而較之則吾之為工不亦甚勞而長短小大之差 者居多故雖不 度其中而為之夫一國之足雖不能盡合於吾優而 而後法立矣屦人之為屦也非量國人之足而為之也 不治而後能用大矣何則治大者莫若立法有所 有所遺而何害吾之大利哉通此說者其知用大乎 知國人之足而吾不失驚履之利必將 不 中 治

とうし

卷三十

とうう 果 以通天下之情至於聰明之不及思慮之所難 以求盡天下之理吾知聖人有所不能故立法於此足 能也夏后氏之為忠也使禹不知後世之將野則禹不 猶是也夫以聖人之智猶有所屈於事物之變則立 智也知而為之是禹亦無如之何也商之質周之文亦 人情之外者吾有所不治也而吾之法立矣且吾之法 羅龍絲使天下之智巧不足以用其姦乎吾知其必不 何為而起數無乃出於天下之大情萬物之常理即 可山 測出 於 法

金好工库全管 以來更數聖人其講天下之法亦詳矣然後世可及者 **嗜贈及者百人而惡之者一人贈及之美未害也使吾** 徒見其為法之略以為不可施於事而不知聖人示之 如井田封建車徒之制亦不過為大法而而世之惠者 可以無鄉矣非不欲鄉也勢不可也嗚呼自尭舜三代 亦付之人而已一絲之不齊無害其為表一粒之不精 大法不以臆度之區區而預盡天下之委曲茍有不合 法足以當國人之十九則吾之利多矣其所不及馬吾 卷三十四

盡得雖貴於終身之力而為何憚馬吾知決不可為也 吾不若從其逸而擇夫為利者為之也嗚呼何至層層 非 之情以立法不厭詳者能之吾未見其不可也應之曰 論也或曰量國人之足而為屨不畏勞者能之盡天下 治者大有所失近有所遗者遠有所包此達於治體之 無害其為食故曰有所不治而後法立矣傳曰小有所 語治天下之勞哉知所以立法而後知用大知用 勞與詳之避也國人之足可以盡量天下之情可以 15 L . .

金安四库全三 一 而後能不出户而天下無遺慮矣

憫

刑論上

治無窮之情而不得少議於其中而惟法之知則天下 情 昔者先王之時議事以制不為刑辟者何也夫天下之 情無乃一 無窮而刑之所治有極使天下之吏操有限之法以 枉 於法而失其實數是以先王之時

諸

於後世其所以治天下之具不能如先王之盛時淳厚

人而不任法是故使法出於人而不使人出於法至

權

歸 止於三千者法之所不可移惟其輕重之間有所謂 者是故猶不廢行法者之志方是時罪入於法之內 而 始有刑法之書以治天下然天下之樂雖不可以不救 之德衰而吏有率私以立法恃其無法而放肆者故 而天下猶未受弊鳴呼奈何一歸之法而不任人也 而天下之情不可枉也是故法簡網踩而人與法兩立 之法罪出於法之外則歸之權雖不如先王之盛 不偏廢移王之刑以為輕重諸罰有權夫五刑之屬 時 後 自 權 則

刑 必而易移法有限而難 以當之則有出之輕者矣變罪而附法失情而合文不 足以盡其情而其極乃至於變其情而合諸法蓋罪無 秦漢以來治天下之具尚且滅裂務使天下為不可欺 畏情之不盡而慮法之不合蓋其間有所謂疑慮而上 而廢人予當悲夫後世任法之弊也蓋其樂非獨法 而待天下之吏以為不可使少行其意也故一切任 以處之則有入之重者矣罪重而刑輕不幸無重刑 動故罪輕而法重也不幸無輕 法 不

沙足刀車在馬 時之官皆能候天地之氣導取其節而制其和由是言 際與夫三代之盛時至於鳥獸之無情陰陽之不可測 自夫賢不肖始也先王之時天下之事簡肅而精修其 而人之才智皆能為之故其後有豢龍御龍之官而四 諸有司者十不過一二而已鳴呼任法以治天下而天 人才皆足以過絕天下而上有聖哲之絕德故堯舜之 下無正刑矣子當推其原而後悲夫天下之事未始不 之則人之所以深思極慮以治事赴功者何如哉自聖 柯山集

以少簡姑無望其不為刑辟人與法並行者可無幾矣 於人之樂也夫惟能隆任人之術詳於擇人而後法 事 而 及於先王之時而間之以不肖混亂而不可知天下之 曰 人之亡其後世比於先王之盛固已少減而天下之事 不可知故一歸之法推其原求其本則法之弊盖 賢不肖之相半也故人與法並行後世非無賢而要 日 ンソ 煩亂竟偽生於其中而信厚之德薄人之賢者不 以廢 缺夫惟得 如先王之時故可以舍法而不任 出 可

金牙に見

ない

立 共 極 常至於沮而不行者何也是其立法非人之情故也 則 罰 輕 很惡而不逞舉國皆惡之者幸而入於刑而考於法 怒者而時重之不當恕而彊為之仁不必惡而過為 非人之情夫天下之所共惡者而時輕之天下之所 法以糾天下之過者必欲天下行之而不敢逆然而 九此者天下之情所不安者也今夫天下之情有 而不足以懲之則夫行法者必有不平之心故 惘 刑論下 1. 1. 1 必 何

金定匹厚全言 法立而天下安之傳之後世久而不敢易夫犯天下之 人不彊怒以為仁天下之所哀者聖人之不深治也故 不可變者天下之好惡也惟其然故天下之所惡者聖 也昔者聖人之於天下其言無不聽其令無不信然卒 是故有出而真之輕夫如是則好為重者之有所不行 幸而遇 夫人固有不幸而入於刑者有誠犯而其心無他者不 入而處之於重夫如是則是好為輕者之有所不行也 刑而放於法則重則行法者必有不忍之心馬 卷三十四

欠三日日 在 主於貸而有罪者舍之以為恩思有所禁則小過者刑 情故也故欲吾之法立於天下者莫若原天下之情而 不立哉或曰吾之法過於威即則不惟行吾法者有 深求先王之意而求夫恩威之名而不究其實以為恩 無所出入使天下無不樂之心而後可也後之惑者不 不如吾法之所為而人固已陰服之矣吾之法因彼之 所惡當天下之所恕而吾寬之以所欲則天下之吏雖 以威行之者不快而被之者不服則 柯山集 何怪乎吾法之

情 尚 而 自 多だび 天子 樂 吾 罔人之心至矣故人之不察其過而 也 顧 法者之不快是何 於其心而固取亂於民使過於輕耶 何懷之有哉夫治天下者何必尚 其所 殺 能使天下之權在宰相而進退宰相之權在天子 馭 崖 之而當 相 All Tople 為誠有 論 其罪雖 拂 於人而人不加 怪也嗚呼是大不 日 殺而天下 悦服 怒 為惠以諂天下之 然也天下之情 知徳者君子 民將懷我彼 被 矣 固以為可 也 欺 行

不 ソス 不 則 左右朝夕之所接以取謀而使天下之人有輕之之心 非 7.7 為卑 能 敢行海何則彼以為江河為可畏而况於海乎 天子之力足以辨天下之事 以私宰相也而其勢乃所以自尊令以天子之輔相 如是者可謂知取相矣夫天子之所以必尊宰相者 天子之勢亦甲矣夫人之情涉江河而畏險 獨治也而後擇相而委之委人以事而奪之權 相為不可慢而况其君乎鳴呼又非 1.1. 柯山保 則何所俟於相以吾 特 主 如此也 則終身 彼 為 糆 且

吾將 ンス 之 幸 也 司 之之心而使少行其意而後彼得以自盡 為不任而已矣故必使之可取可舍可賞 權 而 必使之一聽於我而後可則 斯 而 者 彼且 有 折而受制此天下之大患也今天世之畜犬與鷹 可矣使竊吾權以據之久而 過 必使之其利 有 吾有以責之夫使宰相之 籍 有口矣故曰宰相 在我以為與爾 彼 有罪而吾將無以責 不選以為已 不可以無權夫與 以權 勢無以異於犀有 夫如是故 者九以為 可罰舍吾 私利 不 疑 我 則

金厂正屋台電

三十四

者 順 幾 其污或以功而舍其素未必皆天下之至賢也夫使 求然天下之賢不可以常得而吾之任人或有才而 孔 庸 天下之權於掌握之間而吾無以制之而望其不亂 而害人則吾必能制其命夫縱之而不足以收之則 明之徒不以天下易匹夫之命者而任之則何所 何其不為患也該得天下之至賢如伊尹周公霍光 方其逐禽於野則必 解羈弛禁縱之而不制然 可得乎故古之待 大臣者天子為之盡恭致禮 10 而 至 擅 忘 復 不 至 其

一多定匹厚全書 相 之權在天子曹操司馬懿父子初不過能竊天子之 有罪而不恕也此所以為天子之權與故曰必使進退 臣 之是故養其勢固其身而卒盗其位若唐德宗則疑宰 边 攻伐出處放意恣行而已而漢魏之主惟其無有以 其有罪則不恕有殺而無罰夫惟君致禮則 有輕朝廷之心彼一人之聰 白用其聰 而不任懲姦臣之樊而謂天下之人舉不可信乃一 明當時宰相奉行文書而已故當是時藩 卷三十四 明而當天下之亹亹則 宰相尊 權 制 至

難之意則宜其陵犯而無忌也嗚呼與人以權而我不 未見馬之可以亡 歇也 \以将何害于忠信即 忠信而無術不亦繆乎夫坤之道臣道也而象為馬吾 而馭臣為最難或者不知其故以為先王之時一本于 宗是也是二者皆過矣嗚呼天下之事不可以無術也 數見其所窮而左右大臣皆有尚且之志而無出力死 收漢魏之主是也畏權之去我而奪人之職者唐德 7

								1
								自りにはいい
柯山集卷三十四								1
山				. "				1
俥			'					ľ
4								1
本						:		ľ
三								
7								P
四							1	
				·			1.0	
	-							1
						•		
								1
				1				1
		}						-
	1			1				1
						1		
							:	1
		47.5						1
	1	1	i ·	1	i .	Į.	1	4

スショラニハエラ 其守之安危觀其攻之善惡其報應如表影聲響之不 賈生論秦曰仁義不施而攻守之勢異也世以為確論 予獨謂之不然夫攻守殊而事相關異施設而同利害 欽定四庫全書 論 柯山集卷三十五 泰論 柯山集 宋 張耒 撰

差也譬如人之殖産也耕我之田盡力以事之歲收千 金少正屋 而 守之以君子長者之事怨仇百作而披攘之失故如是 子 殺人于道而奪之金如是乃欲封之倉原藏之底庫而 君子之道守之歟秦王始滅韓齊大率十年間耳皆滅 石封之倉原而食之賈百金之貨干鄰國而贏千金馬 取之必如是而失之安有以盗賊所以取之而能以 孫則安樂而無後患今有人侵人之田奪人之產又 里不我怨有司不我罪如是乃安坐享其福而貽之 三重 卷三十五

守之而其機必成其勢必復矣故秦之事不可為也鳴 吁秦滅六國不十餘年而六國並立秦以不祀其效豈 興 者固一旦支夷為覆之其勢必不帖然而遂已如塞大 水伐大木其漸漬之末流播散之餘種將且復漲而暴 世皆有功于民又皆據國數百年其本根深結于人心 不然數故賈生之論戲論也樂我賢將 人之國虜人之君其毒至惨也夫此六國諸侯者其上 不得其寂寥氣盡則不止秦雖欲反其所以取之道 阿山保 戰勝齊下

盗招之而無不應舉國以與人而猶恐其不受也其所 館王鮪之在江湖非不大也然漁者徒手取之鱠之俎 者亡何謂重其人可以你侮労觀者有所忌則重矣解 城為教守者以是失之豈不然哉教賢尚然況于暴秦 嗚呼魏晉之亂亡其可悲也國中之人皆恐懼服從大 七十齊不能支曾未三年七十城者翻然為齊乃無 致而至此者何也益其國輕久矣夫國重者存國 魏晉論

金元四庫全香

智不及明日夫如是國之存大盗拱手舉之矣是謂國 和易說之如發衆舉之如學虚朝之慮不至夕今日之 議也晏子之在齊叔向之在晉官之奇之在虞諸侯不 過天下之才智成湯既没太甲失道伊尹放之可謂亂 輕凡人臣之能為國重者非有服天下之名節則必有 非不尊公卿大臣非不畏百司無府非不懼然皆庸怯 上而無難曾不如蛇虺之據穴國之輕亦猶是矣人主 矣而諸侯不争商卒以安者伊尹之節天下之所不敢 柯山集

金定匹庫全言 罷兵李德裕草檄而澤潞巫滅此以才智為重也夫天 敢議其後管仲之智未易與為敢也郭子儀存而吐著 之夫是数人者亦知是為不義也而不敢不聽者彼惟 如屠犬馬而大臣震悸莫敢太息王祥鄭冲舉國而與 会是二者雖聖賢無他道矣魏之亡 也司馬師殺其君 以愧恥天下之不義而才略者所以恐懼天下之好亂 不忍為則必有大恐懼于其身而不敢為夫名節者所 下之人其好争未當一日忘也非有大愧恥于其心而 卷三十五

ノーアーノル 明 村山集 士亦且去之矣此蔡謨之所以不為司徒而曰吾恐後 則夕從事者非毀名節則尚無心方此時雖有有志之 世之笑也天下之事有名實不可以不辨也輕名節者 礼之資而顧其國莫與之敵則取之之心生矣故為國 京無以動其國人而又取諸其胸中而無有也晋之臣 之患莫大于不崇名節而銷天下之精 銳彼晉之公 御 人者而遂取之何則國中之人其與之敵故也夫挟好 7者先叛王敦桓温才過一時卒皆不臣劉裕才過數

者安能真為名節也利至則變矣世益有利至不回害 男勇者不必有仁有徳者必有言有言者不必有 徳夫 謂德也非無才之云也才不足以言矣傳曰仁者必有 取惟畏天下之清議故也黨錮雖弊猶能存國古之所 至不避而可以為激億之哉夫如是而未免于矯激 言與勇才之類也而仁與徳乃能兼之則世有無舅之 庸庸者而後可矣且東漢之亂而曹操之雄至死不敢

日吾惡天下之矯激也點才能者曰吾尚德也夫矯

卷三十五

重好四点 金言

5 70.10 ... 勢 天下有大分君臣是也夫以天下之衆而事一人及其 臨 胃之以仁義之容文之以禮樂之言治國而不能請民 勝矣然其抗晉葵何其勇且辯也夫以無所用之質而 也嗚呼為國者盍察諸此矣 難而不能却敵而謂之有德此固天下英雄之所侮 較其力則多寡異矣然天下之人不問于賢不肖俯 不能言之德乎子產惠人也謂之泉人之母可謂德 晉論 村山作

而 金安正をと言 子兄弟之際者此其天屬宜無足怪下至于一鄉 尊甲大小之分者莫不皆然夫天下之分惟其出于父 首聽從莫敢或較一有不順則有起而該之夫非獨 立而不可犯夫生民之初未有君臣以相臨官師以相 益當求之以為天下之分起于天下之 理夫理者本于 臣之分為然也自是而下之至于一鄉一邑之際苟有 地而莫知其所從始者也惟其理設而不可易故分 上至于君臣是乃設為尊甲而不敢犯何為而然也 卷三十五 邑 君

、 う・ハニ 是也子當悲夫晉之事也自三代以來其國之多故者 倪首聽從而無足怪自是而推之至于一鄉一邑亦猶 忍觀者然後裂為東晋至于東晋而晋亦做矣然補 其自立以自治也夫惟其仰之以自治是故順命受教 治也紛紛藉藉以力相勝于是民始大病之而後有能 下尊之是故君臣之分遂立而不可變夫民之于君乃 如晋外有劉石之强內有大臣之變派絕荒亂有不 其黨者馬夫能服一鄉則一鄉尊之能服天下則天 柯山集

金ケロた人生 益當觀符堅之敗于毒春此其力猶足以善其後然提 其餘衆因窮而無所歸益思之主于君臣之分而後近 自劉元海以來天下分為十六國若将堅石勒之徒皆 得其說夫晉之有天下積久而天下之所服也夫惟人 智郊死之臣其所建立亦有足觀者然皆不過一再傳 有過人之才闢地數千里據有甲兵士民之衆又有忠 而遂亡方其與也宜若可以久安至其一敗遂滅不振 與維持至十餘世力盡勢窮凌運百端而劉裕乃得之 卷三十五

乳之者鄰人之母乳之則不愛也均為乳也而愛惡存 愛其德而惡其亂不幸不能制而後使得倔强于須臾 救其敗若荷石之强雖兵甚强勢甚盛然天下之情 恐其失之是以播選流徙甚弱而難減忠臣義士力以 安于所服故天下遂守其君臣之分而不敢犯人人惟 マミララ とこう 下之情固有所習也習而安者衆之所歸也嬰免受其 其敗也則起而共亡之矣或以為君臣之分其始出 相制尚為君臣馬斯有分矣晉與符石何擇也夫天 Ī 柯山作 不

金ケビューチョー 之不亡何也十六國之顛沛此敗于分之不正者惜哉 馬習與不習故也然則晉之初天下固習乎魏也而晉 昔者天下之事常患于不得已而為之夫事至于不得 深謀遠見所以憂慮天下之故者莫不憐其害先為之 之既立而不可變則将拱手而待患是故古之聖人其 已而為者非其心之所樂而勢有所迫故也勉强而為 防由為之備使天下不幸有不測之變而吾常從容 唐論上 卷三十五

之而後免于没溺之患然是人也能解目前之患而退 有失所之憂既已失于其初而後将復之則新與木者 此先王之制後世之所以不可及數竊當譬之世之淺 制之而不能亂無國莽苟且之計以為後世之患嗚呼 既已習于水而不可動夫被其初豈不愛室與新哉勢 人有居于河瀬而幸水之不至也則安然而不為之 有所迫故也故天下之事亦何以異于此聖人者惟 旦水至則榜徨四顧莫知所為于是毀室徙新而塞 可り生 備

銀定四庫全書 歸于將軍天子養之于上而將軍實收其權于下故驅 變之而不可大抵至德之後天下之兵無應皆屬于節 之亂安史横行于中原而莫之禁天子兵弱而不能 憂溺貯水以救枝者之智也首節度之制起于景雲 見其害而預為之備而已然豈有他術哉是亦築防 慶之府是以天下之兵你食于度支 賞罰于天子 而權 則其勢不得不倚節度之兵而節度既已有功則雖欲 元之間然其所治者不過于邊方控制之邦而已天實 卷三十五 制 開 とく

C.L. AL 無足怪然以憲宗之英明動蕩刻革而卒亦不能一 子之威不足以大瓜天下則其所不能變節度之弊宜 之心雖欲改之其道無由益肅宗之時大盗既平而天 而不可得彼天下之兵其勢既已如此則人人有當然 耶 其深矣嗚呼天下之情不可使苟有所安也使安于義 之以不義之名真之于可畏之地則免首盡力而不敢 辭及天下既平前日之亂已去而節度之思固已不勝 則吾周無求乎其他使其不義而安之則吾将欲改 柯山集

金安匹んな書 為尚且急迫之制則僖昭之患何自而起而使吾初不 其大勢已去雖有絕巧無所施之矣故唐之患不起于 時之臣又非大不可用而其紀網法度不須臾而壞 有可亡之實也夫文武宣之三君其才可與有為而 嗚呼勢之所習不亦甚固哉益當謂唐之末年其君非 倚節度之功則河北之區區雖欲傳襲其可得哉 河北之繼襲而起于節度之有功嗚呼使天實之際不 唐論中 卷三十五 益

狼 描 論之天實盗起雖上有昏德聰明杜塞抑當時朝廷 下莫能當而明皇皆不得行之幸而不行使果行之 人矣故為是猖狂不審之謀夫天子臨戎其利有二 臣嬖妾沮撓其事意當是時天子臨戎其有濟乎愚當 天實承平兵不知戰大盗突起四海震動禦之無策君 雖强不忍問犯順之危而起悔上之怒二者天子 國殘哥舒之敗固無足道者明皇欲下的親征而 狼有甚于此者何謂之利一者壓之以尊名重勢

**動灾匹庫全書** 名重勢所不得行之一也天下勁兵皆在西北藩 之勢其重在西北而京師輕也久矣大獄屢與縉紳 得長安市人子而以之抗燕代之勁騎此驅羊戰 兹 統必天下之重兵選卒天下不能抗也明皇之時天下 府兵既壞天子侍衛長征礦騎而已有急而募不過 也彼惟恐犯順之不深侮上之不快則明皇之于尊 用兵無度百姓怨苦內扇淫決荒亂失度尊名之不 也甚矣禄山教戰久矣其将卒皆蕃戎勁卒非後唐 卷三十五 狼 臣 握 切

不固 之不我拒也然禄山勢雖强渡河而南 姑 乎曰知兵者必知敵人所恃與所惡使之行所惡而達 自 所恃如是者百戰不殆 明皇于重兵選卒所不得行之二也親征不可則無策 藏 避之故賊必乘其鋒而用之彼惟恐戰之不速敵人 年教其民千里而用之其鋒不可當雖太公粮直 而易摇其恃范陽如豹之在山林急則必投下以 方禄山之南也厚集潼關之師深溝高壘勿與之 ... 1 柯山集 禄山之利速戰也所恃范陽 則羈客也故心 火 也

對好匹库全書 戰委 將構范陽之虚往必得志彼進則不得入關退則已失 其 团 范 西 其後禄山既死慶緒北走而史思明已有范陽慶緒卒 禄山 後史思明陷東都李光弼牽之于河 .陽獨守空虚之東都不過半年其勢潰矣此至計 死 以此知厚集潼關之師不戰以老之而禄山無能 河南而與之是時李光弼郭子儀皆在河北遣 河朔以此知 傾國遠關委其所恃而不 禄山失范陽則必與于河朔諸 卷三十丘 顏固己犯天下之至 陽 而思明 不 師 為 也 能

其君方此之時三軍之士惟其將之為聽故不患將 然享之而無虞其不善用者則不然其兵死其將而忘 不足以立功而患乎功成而上不享其利夫惟欲兵之 力不顧以衛其將者無他馬謂吾兵之勝負者非吾 昔者先王之 兵爱其君而後死其將以為凡吾所以 危而唐之君臣不知出此唐為無人也夫 利害而所繫者吾之君耳是故功成事立而其君 唐論下 可上上 將 致

欽定四庫全書 而不能用其兵可使征可使戰而不能得其私天子常 其將非我終身之所仰則雖愛而不私夫惟愛而不私 之于兵得以用而不得以有之方其有事也属兵秣馬 愛其君而死其將則莫若兵出于府而將出于衛使將 敏士卒之怨而將軍者實尸養士之思鳴呼此豈 非天 将而忘其君者是節度之兵也方是時天子能使其 将 是故驅之以義則有功而不可使為不義之行彼死 以問有罪將軍之思惠雖足以取信于下而士卒之飯 其

一言使得自封其子弟而漢之君臣無一鉄之費而 肆 制之此其為患豈特唐之方鎮也哉其後主父偃為之 之時而七國連衛以叛其上而諸侯擅地天子無有以 為是誠不可得而為也嗚呼盍亦深思其術哉夫以漢 币 享太山之安彼唐之節鎮何以異此 敏彼無點而不 下之大患數益自天寶以來藩鎮之禍选起而不可制 傲以慢上者是誠何恃而敢為爾哉益其股脏肘 河北之鎮天下指為借亂不臣之邦棄之而不問 臂 坐 顀

欠足可真全對

村山集

なりせる 之敵耳故李愬之平蔡一得李祐則吳元濟東手而無 有為之出死力以為之者使其孑然而自為則吾一 能為矣然一節度之所領不下數郡之地而我何不遣 裂地而謀相通則安在其為利哉是大不然夫人惟貧 其可得哉或曰彼臣屬将住安能叛其素所爱那名為 城 而為之使如是而陰離之使其兵分地好則昔之豪 介之乘假賞功之令拔其臣屬之尤才者使即其屬 而難制者不過一二耳提一空城而守之雖欲不 臣

大色日十二日 之者 等則必有相疑之心嗚呼使彼誠相亂而生疑則吾之 其位有節度之勢則将反顏其上而疾之何則勢均 是又大不然也夫使彼受命而遣之即則吾固何求使 計行矣或曰我一日盡年其臣佐則彼安肯安然而遣 使兩富不能相下彼其臣屬將佐之愛其即者豈有 也而後肯役于富惟賤也故肯役于貴故两貴不能 惟其有功能賞之有才能用之是故恃之以自固 耶使彼遇吾命而不行則無乃益召天下之亂子 村山集 使 位 心 相

重大四十八二十二 為滄景節度凡屬城之刺史各還于朝廷使得自隸其 州 彼敢過吾命而不行則反手而內 河 止之夫如是而能安者世之所未當有也昔者爲重角 可以得富貴之門而有蔽于其前則必羣擊而競 兵當日使二千石各有鎮兵雖有安史無如之何而 惟重爲之鎮獨禀命受代然則分其地而離其兵者 北之所以能拒命正以能奪刺史縣令之權耳當是 一日于行伍之間而有一節度之權我則顧其私 卷三十五 禍及之何者使人有 排 Ż 而

次定日東全書 身衣弋緣足發華為集書蒙為殿惟罷露臺部走馬此 皆為外貌觀美繁于詞令而形于制度不過記令丁寧 或問二君之誠孰愈子謂文帝之言不足而意有餘未 真弱節度之術也 而已而身之所獲則可信不誣矣知稼穑者必尚儉彼 古之人主自中庸以上為理所屈皆能行之而誠未必 加也若漢文帝之于務農唐太宗之于從諫樂于誠矣 讀唐書二首 村山集

傅 帝 其意可見也太宗每見賢臣則求諫援引古今出入經 ど 事何怒之深也如此二事或疑其不 信予謂或有之 调 平日之厚敬而深信之或未必誠也且好諫者不諱 名 馬 曰魏徴夫太宗之信用徴 玩慨古昔語必成文此雖無害于聞過而有好名之 而 理之必然也文皇皆恨不撲殺此孫文德皇后問 魏徵以諫草與史臣帝聞而怒遂有什碑罷婚之 此于誠有所不及也意有餘者忘言實已修者忘 如此而 猶有殺心馬則 其 誰

之故怒其人當與賢交通令其父訓其子父殺之帝聞 而不喜也更贬其父夫刑政能如是則希其意必相戒 亦吾民也夫是言能出其口則有不可欺者以發子對 彗見東方言者以為高麗将亡之祥帝曰高麗小夷且 高宗之淫各孱暗又內為悍妻所制外聚犀小逞于朝 以義而其為有所不受使其應物之際十五出此足以 而天下聞之必有父子之義馬夫能約理而不盡欺然 而禍不及其身者有以也非幸也其智益有以自衛者

**吹足四軍全馬** 

柯山集

完其身矣 又讀唐書二首

意者也故其所發竦動人之觀聽而後多悔官者劉承 于中和故事出而人不驚事已而身安德裕於才而快 李德裕制變應事之分裴度有所愧然度之制變務出

采足以震動而于事也健然首求下足以厭悟意上不 **陷監劉悟軍悟不堪其侮而言朝憲宗以其有罷于母** 問 計于度請斬之又曰不能斬則流之夫斬之則風

傷 **敦定四軍全書** 命 紁 誼 人者也劉稹之叛計策出于郭祖為多稹勢已窮處祖 于其下其為慮益己缺矣德裕惡牛僧孺其傾僧孺 可矣何必求名而殺之耶是時強藩叛鎮力足以拒 始教之而終賣稹以求生卒斬之德裕之出此不 而所深忌者左右之竊發也許郭超而叛臣始安心 明大義立風聲以竦動視聽耳若誰者置而不問 賴以降此在稹為可赏德裕以為劉稹小子安知反 太后心流之亦足矣何必求動人之視聽哉此度過 N. 村山集 過 也

山 曰僧孺聞劉從諫城而慷慨又構成其往來之迹夫傾 荔農堯與得道者之事也而庸君昏主 聞其說而樂之 大臣惟有交友者之罪為無以加人主之所不怨僧 深居與處蔽塞耳目是非過前而不察姦臣愚弄而 悟視人之利害國之存亡若越人問秦人之疾痛者曰 人主當務好要而不當務無為夫無為之言為妙矣此 一失勢羣起而擠之身沒南荒非偶然也 Ę 此遂窜德裕于復怒則快矣而君子豈忍為是哉故 獳 不

火定刀軍 在等 適林甫朝夕所從事者 非聚級奢侈以蕩移人主之心 害則必治其故而賞對行馬分吾之權而志于公則任 成吾不吝權分人以權而觀其超事成而利則可成而 我無為也就樂飲酒便嬖女色晏朝早罷遊為無度 賢者之助太宗之法度廢華略盡 貞觀之風俗變壞無 知好要則逃乎無為矣唐明皇用孝林甫十餘年盡失 之盗吾之權而行其私則棄之而用舍分馬此之謂要 曰無為也是故莫若好要吾不治事付人以事而觀其 村山集

意 鉞未曾絕而問為神仙思神之説以動其心而明皇 春 復凡此者其皆好無為之說者也後之人主可不戒哉 憚之而不敢易予竊怪五代之君雖起武夫悍卒未當 不為處漫不知察利器去手而不覺一敗塗地设世不 則羅織刑獄以破滅人之家族也置門之內干戈堪 秋時季梁在隨宫之奇在虞皆明安危晓利害强國 問不足以得士而一時将相謀臣當其敗亡之際皆 五代論 恬

**欠足习三户的事** 絘 為接可先以重幣結契丹以分敬瑭之接卒之立晉者 去 足蹈坎井頭抵株本安受禍患而無策事成則相與苟 在 且富贵事敗則拱手受戮豈紛亂之極而人才亦從而 也 不振軟子深考之而得四人馬皆智士也或用或不用 此其後卒覆國者潞王也清泰帝時石敬瑭在太原 則係時君之昏明安重酶在明宗世常恨不為國家 叛有狀時廷臣有吕琦者言于朝曰敬瑭必結契丹 路王時路王益 一罷鎮節度也而重誨獨知禍之原 1 村山集 丸

契丹也使明宗與清泰信其言而先為之所可以舒禍 嗚呼若此媼亦智矣李穀韓熙載少以功名相 原穀曰中原見用取江南如探囊中物耳已而穀相周 安于南 也必矣契丹大舉入晉志吞南夏而其母述律乃獨 也德光丧歸其母不哭曰待國中人馬如故然後葬汝 口譬之吾國以一漢人為主可乎 耶律德光果不能 仕江南與穀別熙載曰江南如用我當長驅以定中 狼狼客死于路大勞甚費而于契丹初無大利 期熈載 非

人民可上於方... 四 南宣有長驅中原之理手數于審天下之勢亦明矣此 者自古秦城楚晉滅吳隋滅陳長江複山不能為固天 世宗遂臣江南兵不勞而國不費信乎其如探囊也何 下有定勢非智力可强諸為孔明且不能用蜀取 人者三見忽而一用嗚呼天下何嘗無士哉 村山作 魏

	1	Ī					ķ
柯							
柯山集卷三十五						1	
集							1
卷	2.50						ľ
三							1
+							į
五				1	1		
					-		,
							-
							ſ
		1.					
i				1 4	1.		
	·	٠.					1
							-
						- 2	

九日日日 · 村山集 未可以必得也絳侯以天下與所不可必得之人思德 欽定四庫全書 昔者絳侯既平吕氏親握國璽授之孝文當是時劉氏 之後惟大臣所立文帝為諸王特以其賢而取之其初 綸 柯山集卷三十六 漢文帝論 宋 張耒 撰

すりとし 帝之待大臣亦有恩矣當是時大臣之有思者宜無有 至厚也文帝之報絳侯者宜如何哉雖分國而王之天 不啻如殺囚隸獨文帝時公卿被誅者無幾人然則文 孤囚侵奪困苦僅免于死文帝非昏蔽無知之君何獨 過絳侯然匹夫一言罪奉未明廷尉折簡以召之如取 旋踵而遂去之速也予當觀漢之大臣少全武帝以來 所以慰答昔日之功者未聞有車然過于常時何其不 下未以為過也然內難既定君臣之分既明爵賞祿賜 72 卷三十六

ここうこ とこ 如是而不驕者伊尹周公之所難也縣則縱縱則亂 雄之資校立君之威臨視其上無異子保婦之提嬰兒 將大有功者至文帝時幾盡矣非以逆誅則以疑死彼 事而尚功其號勇之習豈能帖然無毫釐子心哉以英 起絲侯吹簫之羁民也用兵十餘年習見天下之勢喜 于勃少恩若是哉益當深思其故而得其說夫高祖之 以生文帝宣無愛勃之心哉視前日之誅死族減者皆 心有所恃矜其功能日邀其上不得所欲則狼顧而 柯山集 因

金万口屋三百 如 نت، 無幾耳吾亦畏其有所恃而騎騎而不已則亂亂而 文帝之思亦深矣且能尊霍光者莫如孝宣委天下之 賞賜寵錫不以數計天下翁然以為孝宣無負于霍氏 則廢法從而誅之則傷思甚矣嗚呼理至于是曾不 君邀功縣蹇放縱之所致而絳侯之迹異于韓彭者 全其生保其家使其子孫長有國土之為愈也然則 抑速因辱使之陳然內顧而無所恃鋤去其騙慢之 與之而不敢專光死又立其子兄弟聯兵女充後宫 卷三十六

子單孫之祭曾不得享天下之人聞之者能不為霍光 霍光無後者非宣帝能為之哉天下之事要其終而後 痛心哉 嗚呼使宣帝既正君臣之分則遂攬天下之政 矣然光死未幾妻子為戮以天下與人而身死之後弱 其尤無良者而屏遠之霍氏雖欲為亂不可得也然則 光既死視子孫之賢愚而授之官與之財而收其權取 知君子之用心絳供無禍于身則知文帝之所以裁之

**火定四車全書** 

柯山集

者乃所以深報之也霍光無後子漢則知宣帝之所以

必 其真者或不可以形求也給車戲之賤士也其椎會 景帝稱實嬰怨恐自喜多易不足以任宰相因持重而 寵之者乃所以深害之也語曰嬰兒常病傷于飽也貴 其妙而遺其似夫天下之善惡其似者固未必是而 衛館夫自喜多易固不足以持重是也而求持重者 常禍傷于寵也然則文宣之報功其得失可改也 如衛館則己甚矣古之知人者不觀其形而察其情 漢景帝論

次之四車全書 阿山果 **苟以是為長者而用之則世之可謂持重者多矣夫惡** 平景帝之相館也是愛偶馬之類也帝之惡周亞夫也 馬之奔跟不可也求其無奔跟可矣得偶馬而愛之可 曰此 鞅鞅非少主臣也卒殺之夫天下之情其未見于 有蒙其利者矣豈謂其無是非可否如偶人而己者也 鈍偶似夫敦厚長者之形耳夫敦厚之士其用之也必 輕許人之私者不輕行其私亞夫之不納文帝于 害之際者舉不可知而要之易却以勢者易動以利

鳴 趙王委之夫昌之不能脱如意于死其勢益有所迫而 其剛 以任昌者固相危弱之道也爱夫周昌以此見取 呼景帝者求人于形似而失之者也益昔者高祖求 相少主共危難者意非亞夫不可而帝乃反之是徒 如意者而不可得一周昌能强項面折而高祖 死義與夫見利而心不動非輕勢而滅私者莫能可 與夫不肯侯王信可謂不可以勢却而無私意矣仗 勁不苟其形若難制而嫚上者故殺之而 遂以 不 疑

及其身者何也予考代宗行事有類英主者二馬誠率 宗承之又當一為吐蕃所驚逃奔于陕然國遂以定不 亞夫乃用是不免則景帝之與高祖其觀人也亦異矣 之臣肯之而不疑犯之而不怒而外無姑息之迹一也 事出一切人情震摇易以生變此非常才所能定而代 予普論代宗唐之庸主也而安史壞亂之後肅宗草創 道而充之其身安而國定益無足怪何也能容大功 唐代宗論

1.11

柯山集

中矣李光弼身兼將相功無與二而幸改之後堅坐不 敵 應 其自斃豈不曰與之較力則彼騎獲也與之較理 赶吾急吾不問則己問之則必討焉彼非東手受死者 不衰豈不曰光弼之功而傷之天下其謂我何彼之不 此 ンス 固懷思李光弱二人之功者矣懷思之恃功犯上自 類也其乘氣而兇悸也益將亡也是其料懷思于 其意非持两端則高即以觀變也代宗思禮終 下誰能忍之而代宗不與之較故優客包納卒 則被 始 E 待

少匹馬色言

而吾使誰敢之哉代宗之待二臣如是天下不謂之姑 之龍固矣柳伉一言而逐之易如反掌卒棄不用元載 不疑寵魚朝思幾危郭子儀然其横也則殺之程元振 莫或能間之者焉始用元載委己聽之惡載之甚誅而 矣人有當其意則用之聚怒不與則必殺之其用其殺 息者理當爾也德宗之于懷光則姑息之迹不可勝拚 居中無不知也去三大姦如殺犬羊中外不驚上下厭 之獄問目皆從中出則是平日載雖擅權于外而代宗 阿山水

金定四月全事 德宗債藩鎮之强俗有鞭槌海内之志竭其帑藏空其 宗 大鎮弭耳聽命終憲宗之世海內略定二帝于用兵伐 身播國殘滅亡之禍間不容髮自是之後亂不得熄至 于憲宗用一裴度決策出師淮西既平山東河北强藩 觀此則昏且孱者不能為也是二者英主之所難代 衛以從事于代叛然師出無功兵連禍結大盗竊發 有焉所以能保國而安身也哉 唐徳宗論

大王三十八十 堅 田悦而王武俊朱滔相煽而起自魏至燕數千里間茶 之地也暴取其才虐用其民為日久矣危亡之機已見 為戰場而四方諸侯始輕京師淮西雖積于叛然數郡 豈 與河朔諸鎮比哉憲宗乘其機察其時一舉而滅之 者瑕德宗始使馬燧李抱真討田悦魏鎮自承嗣以 則同而功烈何其相反也益攻堅則瑕者堅攻瑕則 元濟昏庸倔强其間此特不欲取耳取之可以必得 兵强國富此然大鎮非可易攻者也二将之力與于 柯山集 بدا

アンドンド سألمد 抗也有扛馬之力者使之負石而趨終日則必蹶立 陸界而不忌也憲宗先攻其易碎其集穴戮其鯨 矣己索之氣既弊之力人所易侮此朱此李懷光所以 而李師道王承宗之徒或誅或臣而四方靡然效順矣 論也 未出而氣己震于天下師道承宗所以消沮而不能 無他德宗先攻其堅敵未己而已之氣先索力先數 間而磔嬰兒則賣有在旁必且心悸此攻堅攻瑕 生量 鮵 談 兵

古之善戰者不患乎敵强而不我若而所大患者與之 為敵而兩無有以相制也夫两無有以相制則勢足以 唐莊宗論

而 所在則是吾與敵人常戰于不可知之間夫豈不殆哉 坐而待之而至其兩億而不振也吾亦安能必其變之 後有起而收之者雖然非有優游久遠之心誰能安 擾而不可以有成惟其曠日持久兩憊而不振如是

22.13.1 List 是故古之善戰者必有以審天下之勢而為之計取之 柯山集

金ケロレイニー 角力以戰其死其勢終日而不能解至其能者則不與 乘之力敵勢均則榜其虚襲其所忌而不可戰益昔者 其要害之地而使之雖有手足之技不能以與吾較夫 唐人以河東之地南西以争天下百戰而無功以來温 知是者勝敢之道也故力弱于敵則謀之力倍于敵則 以可必之計而待之以可成之功夫如是而後能有立 今夫天下之勇夫其才足以相勝其力足以相困奮臂 致争于手足之間而獨徘徊待何一發而捧其虚中 卷三十六

得其志至于莊宗力戰不顧思決成敗而不可得方其 之强親冒矢石與唐人從事于河上不能有河北尺寸 猶人之有腹心也使吾之力雖不足以過之耶一日而 為之法入汴之策而後天下歸于唐夫孫人之有汴是 盤桓于楊劉德勝之間益當處而不振矣其後郭崇韜 而勝者激之益終朱温李克用之世更勝选員而卒不 也代勝代員而不決勝者欲罷而員者留之員者欲返 之地其力之不足以相制亦明矣譬如两人終日而傳

文定四軍全事 一村山集

道而敗乃不能進夫劉郭之襲太原是莊宗趨汴之策 思之道也故莊宗之取天下其要在此而或者猶歸罪 也被郭以為人得糧十斛而後可以有成彼誠見天 于段凝之區區何異夫披心腹而責手足之不救也昔 之勢非朝夕之所能成其決策不顧以趨太原所以持 唐之腹心也飲夫莊宗能知其勢而為之防故唐不亡 者莊宗與劉郡戰于華劉郡越黃澤來虚而襲太原中 其腹心則被手足雖全而不為用此擒其虚襲其所

而 今夫使人皆量力而無慕于賢己者宜若怠惰而無志 觀天下之勢而後戰從之者此之謂也 之不可察也今夫天下之才自匹夫以至聖人其别無 則將有禍嗚呼怠惰而無志不猶愈於禍敷吾知量力 天下之大患莫大於不量力而不量力之患起於好高 而梁人惟不能散其所忌故莊宗得志夫古之善戰者 不知夫力之所受于天者莫不有極强任而過使之 子産論

文定四車全書 村山集

愛曰吾將學聖人也則亦敗而己矣使量力而行之治 刑賞而畏愛行焉此天下之紀德也夫惟聖人而後能 治天下使民畏也有不待刑使人愛也有不待賞夫無 之而使中人之才其為治也去賞與刑以求天下之畏 至不舉一石以一石之力而負千釣則齊絕而死此又 窮然大要有三而己上智中人下愚是也昔者聖人之 耶不猶愈于敗乎夫馬獲之力至于舉千釣而弱者 以明威信賞以施愛其誰曰不可以為德不及於聖

之君子其智慮深遠而較利害也詳量分審力而不誘 書而叔向非之子産卒行之也彼以為議事以制不 能定遇則其患將甚於安坐而待患數益子產當鑄刑 安坐之計姑求其力之所及者而行之豈其心以為 測之禍二者孰利也然子産知其力之不能及則寧為 産日吾不足以定遭矣夫遇國以免灾與安坐以待不 天下之所知也昔者鄭國有灾有勸子産使遷國者子 辟者非我之所能故也予讀書至此未當不竊歎古 不

人已日至 二十

柯山集

士不可好平而移近而量力之論不可以訓鳴呼使無 有舉而措之而已使誠有其徳吾何爱聖人之事而不 其事者也被聖人之為聖豈好高而為之哉其中之所 妄學聖人者是豈使無學其德耶吾惡夫無其德而僭 悲仁義之不效而予不知二人者果能為文武之事者 倭 徐偃王之 行仁義卒無所就而敗隨之而世之人 遂 于天下之浮說而深悲後世之說者夫宋襄公之求諸 欺非仁義之員二人二人之員于仁義也或曰天下之

金万口匠全音

卷三十六

使為之哉 吾讀吳起傳觀與田文論功發三問文不得一然則起 呉起論

楚方悼王之死未幾而楚之宗臣大臣起而殺吳起方 吾嘗疑起才何獨短于此而不敢與文較及觀起之相 之才豈淺淺者耶及曰文為之言主少國疑大臣未附 百姓不信當是時屬之子乎屬之我乎起曰屬之子矣

とこりこうと

柯山集

金少正是人工者 產請焚而鄭國果定何也益誠未加于物則吾之所為 親未附而安不信者之所深思也昔者鄭國有難而子 言益無足怪而田文之于知人也亦明矣然則田文之 不免然則起之才是誠短乎此則其始無以抗田文之 孔之為載書級羣臣而使之聽政皇有所不可哉而子 達于變從事于法而不知權是二者盖相疑團輔少主 知起之不足以處此者何說也起之為人也明屬而不 孔當國乃為載書以序位聽政辟而子產請焚之夫子 卷三十六

大臣 C. Die Sin 夫衆情反側之際者不可以求定平法而取必于理之 是非而其權乃在夫人情可否之際此子產所以焚之 禍之道也故曰衆愁難犯專欲難成益當新造之國 是非有所不較徒知吾法之不欺而不顧物之情此取 泉之所疑故急之則亂繩之則怨方是時法有所不行 疎遠者夫起當新難之國輔未 壮之主而取不 國定也史稱吳起治楚明法守令捐不急之官廢公 與不信之百姓而其所行顧若是而不知變是其 附之 與

金八世屋三 化 秦遂以强後世因之以有天下益始皇之王自商君啟 趜 昔 死也不亦宜乎嗚呼智士因變聖人乘時一龍一蛇與 之而世之議者以為秦以商君而與而不知商君之術 者高 推 于功利之域而無閉暇樂生之心勇于公戰怯于私 益凡所以求生者非從事于公不得也不過十年而 商君論 移庸得而制之哉吾悲吳起之志故論其說云 君之治秦貴利尚功明賞野信號令使其日夜 卷三十六

是秦之所由亡也今夫世之善養生者和其血氣平其 ここりいていこ 而急其效于耳目之前于是服毒石餌惡草以激之方 藥石食飲平易而舒緩惟其然故其效也得其所欲而 心志安養而徐用之導引屈伸以宣其滯而導其和故 其效也剛壯勇力倍于平時然不過數年之後草石之 無後害有賤丈夫馬不知其為如此不能忍歲月之勤 作而不可制至于是而不死者未之有也嗚呼用民 已盡而遺毒餘孽潰裂四出故癰疽壞決之變一日 -河山集

金之匹屋在三百 仁人之術非所以速功朝有所為而夕望其利日夜峻 不為旦夕之謀禄伏其民而和輯其國一出于愷悌忠 者破徭役使令莫不如意然至于後世天下已定而吾 厚之政使其民無勉强不得已之心故其功成事立而 之 道亦何以典于此昔者三代之聖人 也其得天下也 民莫有厭之意是以享國長久而無後憂被商君以為 其 及然常者不可以終日故方其效也所求者得所敵 刑罰以驅迫其民斬艾懲創以奉肅其怠惰之氣 卷三十六

文色日二人二十 陳軫之辯不及蘇秦張儀欽軫常從容于戰國之際而 數 嗚乎商君實首之也夫民之力人之血氣一也 可以 故更二世而秦亡原其所以取怨于下者豈一日之積 君之術是亡國之術也 爵毒石惡草夫四者用而危亡之禍可立而待故曰商 之所欲己得而後前日怨毒之志乃始大發而不可制 治而不可以求近功夫欲求近功則必出于深刑痛 陳軫論 柯山集

巧而 而 儀 秦 汲 汲 不 能 補 其 所 不 及 周 流 人不同心一日之心不同事以叛散相 散未可必此張儀之蔽也縱者不 不敢陳也而遊說以非之是附其所不親横者不 心以為縱雖孺子知其不可以久此蘇秦之所窮且 下當見為縱之利矣一日而散為横雖足以解約然 定故也何者蘇秦必于縱張儀必于横夫一室之 為 力勞何也益遊就不可取必于一端而儀秦之 3 卷三十六 諸 敢 國不得少休用 傾之六國而使之 横 雞 見 横之利 智

之而 欠色日 しきす 之際勞矣且夫胡越者是必親之而後可兄弟者必問 天下有胡越之可親而兄弟之可問者矣然其親與問 恕 也常員天下之責縱而散者蘇素員其責横而合者張 弟之道也天下未有胡越之可親而兄弟之可問者也 而 附其所不親是交胡越之道也讒其所不怨是問兄 雖見縱之利亦不敢陳而强詞以亂之是讒其所 頻于禍者數矣秦以此死而儀竟以免故縱横危道 後可中道不幸而謀失者必敗故儀秦之身顛沛 柯山集

奪穰侯之位而代之也慎重周審不敢報發非如朝遊 轉既瀕于死而求報于魏也切骨腐心不可終日故其 吾觀應侯之入秦其心未當不在穰侯也彼其因苦展 說故其為不勞而其身處安故軫者說古之巨摩者也 陳軫之智不遠二子而不主縱横之任乘勢何變而行其 定夫操不可以一定之勢而身當其任故曰縱横 危道也 任其咎然天下之勢故不一要之合散必不可以一 應 倭論 /j ここう こここ 而 Ė 倭太后而不聞有王也何言之誤即且惟 與秦王相 夕說之士徽幸一言而勝之何者其怨魏之心重故傾 之序惟事如此乃言睢之始見秦王誤入永巷閱有 秦昭王書曰其深者不敢載之于書及見秦王乃先言 韓魏以代齊之非計也陽陳外事以當秦王之心而 逐之則睢之憚穰侯而不敢輕簽豈不甚哉太史公 顧其權勢已成因乃一言穰侯太后之專恣不終朝 侯之心必傾人之心必則其計求出于萬全故其上 何山集 穰

彼 秦王而不敢及之者知徒嬰其鋒不足以成吾事而吾 定而計粮侯之不能奪之也其始不敢載之于書一見 受其禍故也且一見秦王而語穰侯太后之惡如此 風料穰侯惡諸侯之客下車而逃之其為計如此萬 獨 年而後敢言穰侯太后之事者知己之與王處密勢 有幸而得見王徐徐而圖之何所不可而遽為是鹵 母 之親非獨取患於穰侯秦王亦且逐之矣彼 不畏穰侯之聞之數以匹夫無機之分而斥骨肉 雕

金ケロンと言

卷三十六

莽之計哉且秦自孝公以來操法繩下最嚴于宫 閱 愛愛奇也此亦好奇之過飲 之兵不敢概動安有候入永巷事即楊子曰子長多 所以自衛者皆以峻法防其下故荆軻刺始皇而殿

金宁四年生 柯山集卷三十六